

Terma Reference

Thirrje për ekspert/lehtësues për ofrimin e workshop-eve me familjet kujdestare në Bashkinë Korçë

Konsulencë	Thirrje për ekspert/ lehtësues për ofrimin e workshop-eve me familjet kujdestare në Bashkinë Korçë
Kohezgjatja e shërbimit	Qershor 2025-Mars 2026
Zona e projektit	Bashkia Korçë
Data e mundshme e fillimit të punës	6 Qershor 2025

Nisma për Ndryshim Shoqëror ARSIS kërkon të kontrakttojë një ekspert/lehtësues , për të ofruar një cikël workshopesh mbi zhvillimin e aftësive prindëruese të familjeve me nivel të lartë vulnerabiliteti, në Bashkinë Korçë, në kuadër të programit Bashkimi Evropian për Kujdesin Social (EU4SocialCare) i financuar nga BE dhe i zbatuar nga UNICEF Albania dhe World Vision Albania.

Kjo ekspertizë do të ofrohet në mbështetje të Bashkisë Korçë, Drejtorisë së Kujdesit Social, Shërbimeve Mbështetëse për Fëmijën dhe Familjen dhe Nisma ARSIS për të fuqizuar komunitetin e prindërve të familjeve kujdestare dhe zhvilluar aftësi për mbështetjen e zhvillimit të fëmijëve të vendosur në kujdes alternativ.

Rreth Nisma për Ndryshim Shoqëror ARSIS

Nisma për Ndryshim Shoqëror ARSIS (shkurtimisht NISMA ARSIS) është një organizatë jofitimprurëse, e cila është themeluar në shkurt të vitit 2016. NISMA ARSIS është një aktor jo qeveritar me influencë në sektorin e shoqërisë civile në Shqipëri.

Mision i NISMA ARSIS është angazhimi për avancimin e të drejtave të fëmijëve, të rinjve dhe familjarëve të tyre që përballen me vulnerabilitet, duke ofruar shërbime gjithëpërfshirëse dhe duke lehtësuar integrimin me dinjtet të tyre në shoqëri. NISMA ARSIS advokon dhe lobon në nivel lokal dhe qendror mbi çështjet e mbrojtjes së fëmijëve dhe të rinjve, zhvillimit dhe pjesëmarrjes, përmirësimit të kushteve social-ekonomike të familjeve të tyre dhe fuqizimit të kapaciteteve të shërbim ofruesve, organizatave jofitimprurëse, profesionistëve dhe aktorëve të tjerë të cilët punojnë me fëmijët në situatë vulnerabël.

Përshkrimi i Projektit

Projekti po zbatohet në Bashkinë Korçë “Forcimi i krijimit dhe ofrimit të shërbimeve të kujdesit social për të mbrojtur fëmijët dhe komunitetet vulnerabël në Bashkinë e Korçës dhe Durrësit” në kuadër të programit Bashkimi Evropian për Kujdesin Social (EU4SocialCare) i financuar nga BE dhe i zbatuar nga UNICEF Albania dhe World Vision Albania. Metodologjia e propozuar bazohet në parimet e Konventës për të Drejtat e Fëmijës (CRC), standardeve ndërkombëtare të kujdesit alternativ për fëmijët dhe prioritetet kombëtare, duke përfshirë programin e Qeverisë së Shqipërisë, i cili synon të avancojë një sistem të mbrojtjes sociale gjithëpërfshirës dhe të përgjegjshëm për të mbështetur individët gjatë gjithë ciklit të jetës. Ajo përdor një model socio-ekologjik që vendos fëmijën në qendër të të gjitha ndërhyrjeve, i rrethuar nga katër shtresa kryesore: kujdestarët/familja, komuniteti, kultura dhe shoqëria, si dhe mjedisi më i gjerë/politikat.

Në bashkinë Korçë, Qasja përqendrohet në krijimin e një modeli të plotë dhe multidisiplinor të

shërbimeve, i cili ka në prioritet integrimin e kujdesit dhe mbrojtjes sociale, me fokus në përfitimet për fëmijët, mbështetjen familjare dhe përmirësimin e cilësisë dhe aksesit të shërbimeve të kujdesit. Nevojat e menjëhershme dhe afatgjata të fëmijëve adresohen përmes planeve të mbështetjes individuale dhe menaxhimit të integruar të rasteve. Këto përfshijnë këshillimin, terapinë dhe ndihmën psikosociale për të forcuar qëndrueshmërinë emocionale, së bashku me mbështetje të personalizuar arsimore dhe aktivitete të përfshirjes në komunitet. Qëllimi është të sigurohet që çdo fëmijë të zhvillohet në një mjedis të kujdesshëm që ka në prioritet mirëqenien, zhvillimin dhe ndjeshmërinë e tij/saj ndaj çështjeve gjinore. Projekti fuqizon kujdestarët, duke përfshirë familjet biologjike, ofruesit e kujdestarisë alternative dhe stafin institucional, me njohuritë dhe aftësitë e nevojshme për të ofruar kujdes cilësor.

Nën mbështetjen dhe bashkëpunimin me ekipin koordinues të programit , ***Ekspert/lehtësues, do të ketë këto deyra dhe përgjegjësi:***

- Të ofrojë workshope me grupin e prindërve të cilët kanë në kujdestari fëmijë (formal dhe jo formal) për ti lehtësuar në përmbushjen më të mirë të rolit të tyre
- Të forcojë aftësitë prindërore përmes kuptimit të fazave të zhvillimit, ndikimit të traumës dhe ndarjes nga prindërit biologjikë
- Të promovojë teknika për aftësimin në ndërtimin e lidhjes/atashimit të sigurtë
- Të promovojë stabilitet emocional dhe zhvillim psiko-sociale
- Të nxisë komunikimin pozitiv dhe mirëkuptimin në familje.
- Të ofrojë mjete praktike për të përballuar sjellje të vështira dhe për të ndërtuar marrëdhënie të qëndrueshme dhe mbështetëse.
- Të nxisë reflektimin dhe shkëmbimin e përvojave midis kujdestarëve.

Zhvillimi i workshop-eve:

Përgatitja e një pakete për workshop me fokus në fazat e zhvillimit të fëmijës, rëndësia e komunikimit të shëndetshëm në kujdesin alternativ, strategji/mënyra për ndërtimin e një mjedisi mbështetës për fëmijën si dhe kujdesi për veten dhe mbështetja emocionale për anëtarët e familjes.

- Ofrimi i seancave praktike me pjesëmarrje aktive të kujdestarëve përmes shembujve, diskutimeve dhe rasteve konkrete.
- Përshtatja e përmbajtjes sipas karakteristikave të pjesëmarrësve (mosha e fëmijëve, sfidat specifike etj.)
- Mbledhja e feedback-ut dhe vlerësimi i përmirësimit
- Zhvillimi i instrumenteve të thjeshta për të vlerësuar përvetësimin e njohurive para dhe pas workshop-eve.
- Reflektimi mbi reagimet për të përmirësuar përmbajtjen dhe qasjen
- Bashkëpunimi i ngushtë me stafin e organizatës përgjegjës për ndjekjen e rasteve të familjeve kujdestare
- Lehtësimi i 26 seancave ëorkshop-eve në bashkëpunim me stafin e organizatës.
- Një raport përfundimtar që përmbledh përvojat, sfidat dhe rekomandimet për ndërhyrje të mëtejshme.

Kualifikimet:

- Diplomë universitare në Shkencat Sociale (psikologji, punë sociale, edukim, shkenca sociale ose fusha të ngjashme)
- Kualifikime që lidhen me çështje të mbrojtjes së të drejtave të fëmijëve dhe familjeve;

Eksperiencat:

- Të ketë experience pune mbi 5 vjet përvojë pune me familje në kontekste të mbrojtjes së fëmijëve
- Përvojë me familje kujdestare ose shërbime të kujdesit alternativ
- Përvoja të mëparshme në organizata partnere të shoqërisë civile (preferohet);
- Përvojë e mëparshme në lehtësimin e trajnimeve/workshopeve për prindër ose kujdestarë
- Të jetë njohës i mirë i paketës ligjore për politikën e mbrojtjes së fëmijëve;
- Aftësi të shkëlqyera komunikimi dhe ndërveprimi me grupe të ndryshme si dhe të menaxhimit të situatave
- Të kuptojë dhe të dakortësojë me misionin dhe qëllimin e Nisma ARSIS
- Aftësi shumë të mira në arritjen e afateve, për të punuar në presion kohe, në punë në grup dhe në mënyrë të pavarur

Politikat e Mbrojtjes së Fëmijëve: Të gjithë personat që punojnë me programet e Nisma ARSIS janë të detyruar të respektojnë politikën e mbrojtjes së fëmijëve, politikën e mbrojtjes nga abuzimi dhe shfrytëzimi seksual, rregulloren e brendshme të Nisma ARSIS, kodin e sjelljes, Legjislacionin e plotë për Mbrojtjen e Fëmijëve si dhe çdo dokument tjetër për të cilin duhet të ketë dijeni.

Koha e mundshme e fillimit të punës është 6 Qershor 2025.

Kohëzgjatja e ofrimit të shërbimit është përgjatë periudhës qershor 2025- mars 2026.

Kjo ekspertizë përfshin 26 ditë pune.

Procedura e aplikimit:

Aplikantët e interesuar për të aplikuar për këtë thirrje duhet të dërgojnë me email:

1. CV-në;
2. Letër interesi;
3. Letër angazhimi/disponueshmërie;
4. Ofertën financiare.

brenda dates **2 qershor 2025** në info@nisma-arsis.org, ose me postë në adresën: Rruga "Sali Butka", Pallati T.B.M, Shkalla 2, Apartamenti 1, Kati 1, Njësia Bashkiake Nr.7, PC 1023, Tirana Albania.

Procedura e Vlerësimit:

Zgjedhja e ekspertit do të bazohet në:

- se sa mirë aplikimi përmbush kërkesat e përcaktuara në termat e referencës,
- eksperiencat e relevante të mëparshme
- oferta financiare
- gjithashtu edhe bazuar në tabelën e vlerësimit të mëposhtëm.

Kriteret e vlerësimit	Vlerat në %
Kualifikime	30%
Eksperiencë pune	50%
Oferta financiare	20%

Ju lutemi, në vemendjen tuaj që:

- në subjekt të emailit ose zarfit ku dërgohet aplikimi të vendoset: ***Aplikim për thirrjen për ofrimin e workshop-eve për familjet kujdestare në Bashkinë Korçë***
- vetëm personat e përzgjedhur për intervistë do të kontaktohen.